



Broj: 129-1/22
Brčko, 12.7.2022. godine

Na osnovu člana 15. Statuta Razvojno-garantnog fonda Brčko distrikta BiH, broj: 105/10 od 03.08.2010. godine, broj 235-2/12 od 19.10.2012. godine, broj 110-3/18-015-1/19 od 15.01.2019. godine i broj 116-1/19 od 04.07.2019. godine, broj 078-1/21 od 11.03.2021. godine i broj 215-4/21 od 14.10.2021. godine, a u skladu sa Pravilima i procedurama Razvojno-garantnog fonda Brčko distrikta BiH za subvencionisanje dijela kamata za kredite preduzećima, preduzetnicima i nosiocima poljoprivrednih gazdinstava na području Brčko distrikta BiH za 2021. godinu, broj 129/22 od 07.07.2022. godine, Programom utroška sredstava subvencionisanja dijela kamata za kredite preduzećima, preduzetnicima i nosiocima poljoprivrednih gazdinstava na području Brčko distrikta Bosne i Hercegovine, broj: 13-001068/22 od 18.05.2022. godine (u daljem tekstu: Program), Upravni odbor Razvojno-garantnog fonda Brčko distrikta BiH (u daljem tekstu: "RGFBD"), raspisuje:

Javni poziv za podnošenje zahtjeva za subvencionisanje dijela kamata za kredite preduzećima, preduzetnicima i nosiocima poljoprivrednih gazdinstava na području Brčko distrikta BiH za 2021. godinu

Pozivaju se preduzeća, preduzetnici i nosioci registrovanih poljoprivrednih gazdinstava sa područja Brčko distrikta BiH da podnesu zahtjeve za subvencionisanje dijela kamata po Programu za 2021. godinu.

I Sredstva Programa

Ukupan iznos sredstva za subvencionisanje dijela kamata iznose 1.200.000,00 KM.

II Namjena

1. Subvencionosani dio kamate biće primjenjen na kredite odobrene za sve namjene, osim za one koji će biti korišteni za nabavku putničkih i terenskih vozila, a koji ne služe za obavljanje registrovane djelatnosti.
2. Subvencionosani dio kamata biće primjenjen i za nabavku osnovnih sredstava putem lizinga, osim lizinga za putnička i terenska vozila, koja ne služe za obavljanje registrovane djelatnosti.
3. Kamata će se subvencionisati za kredite koji su odobreni putem svih banaka u Bosni i Hercegovini.
4. Subvencionisaće se i dio troškova na ime plaćanja profitne marže od strane korisnika bankarskih sredstava prema bankama koje na takav način posluju. Trošak ne uključuje troškove obrade zahtjeva i troškove penala.

III Korisnici Programa subvencionisanja

1. Pravo na korištenje subvencije dijela kamata imaju privredni subjekti sa područja Brčko distrikta BiH koji:

- a) imaju sjedište preduzeća ili preduzetnika u Brčko distriktu BiH,
- b) su registrovani kao preduzeće ili preduzetnik, u skladu sa zakonima Brčko distrikta BiH,

- c) registrovanu djelatnost obavljaju na području Brčko distrikta BiH,
- d) sa 31.12.2021. godine imaju najmanje 50% od ukupnog broja zaposlenih lica sa prebivalištem u Distriktu ili su privredni subjekti sa sjedištem u Brčko distriktu BiH koji zapošljavaju više od 100 zaposlenih, od kojih najmanje 50 zaposlenih radnika tog privrednog subjekta ima prebivalište u Brčko distriktu BiH sa 31.12.2021. godine,
- e) koji koriste kredite čiji su anuiteti dospijevali u 2021. godini, sa rokom otplate do petnaest (15) godina i kamatnom stopom do 10%, pod uslovom da su uredno vraćali kredite u prethodnom periodu.

2. Pravo na korištenje subvencije dijela kamata imaju i fizička lica nosioci poljoprivrednih gazdinstava, koja imaju prebivalište u Brčko distriktu Bosne i Hercegovine i koja su upisana u Registar poljoprivrednih gazdinstava i Registar klijenata na području Brčko distrikta Bosne i Hercegovine.

3. Pravo na korišćenje subvencije dijela kamata ne mogu ostvariti:

- a) Banke niti druge finansijske organizacije i osiguravajuća društva koja su u skladu s Odlukom o klasifikaciji djelatnosti Brčko distrikta BiH upisane u području „K Finansijska djelatnost i djelatnost osiguranja“ u oblastima 64-66.,
- b) Privredni subjekti koji su u skladu sa Odlukom o klasifikaciji djelatnosti Brčko distrikta BiH upisani u područje „R djelatnosti kockanja i klađenja“, oblast 92.00.,
- c) Javna preduzeća,
- d) Javne ustanove,
- e) Ustanove koje su registrovane u skladu sa Zakonom o visokom obrazovanju u Brčko distriktu BiH,
- f) Udruženja koja su registrovana u skladu sa Zakonom o udruženjima i fondacijama Brčko distrikta BiH i Zakona o mjesnim zajednicama u Brčko distriktu BiH,
- g) preduzeća i preduzetnici koji su brisani iz Registra preduzeća i preduzetnika Brčko distrikta Bosne i Hercegovine najkasnije 30 dana do dana podnošenja zahtjeva za subvenciju kamata,
- h) fizička lica nosioci poljoprivrednog gazdinstva koja su brisana iz Registra poljoprivrednih gazdinstava i Registra klijenata na području Brčko distrikta Bosne i Hercegovine, najkasnije 30 dana do dana podnošenja zahtjeva za subvenciju kamata.

4. Šifre oblasti navedene u prethodnoj tački ovog poglavlja utvrđuju se na osnovu Obavještenja o razvrstavanju poslovnog i drugih subjekata prema djelatnosti koje izdaje Agencija za statistiku BiH, Podružnica/ekspozitura Brčko na osnovu Zakona o statistici BiH i Zakona o klasifikaciji djelatnosti u Brčko distriktu BiH, pod stavom Šifra razreda djelatnosti.

IV Uslovi koje treba ispuniti korisnik

1. Preduzeća i preduzetnici moraju ispuniti slijedeće uslove:

- a) Da je registrovan u Osnovnom sudu Brčko distrikta BiH,
- b) Da vrši namjensko ulaganje sredstava na području Brčko distrikta BiH,
- c) Da preduzeće ili preduzetnik nije pod stečajem ili likvidacijom, odnosno da nije predmet postupka za proglašenje stečaja ili likvidacije,
- d) Da dostavi dokaze o izmirenju obaveza, sa stanjem ne starijim od devedeset (90) dana od dana podnošenja zahtjeva, koji se odnose na izmirenje obaveza po osnovu poreza prema Brčko distriktu BiH koje izdaje Direkcija za finansije Brčko distrikta BiH, dokaz o izmirenim obavezama na ime zdravstvenog osiguranja koji izdaje Fond zdravstvenog osiguranja Brčko distrikta BiH, te dokaze o izmirenim obavezama po osnovu Fonda PIO RS i Fonda PIO/MIO Federacije BiH, izdatim od nadležnih institucija,
- e) Da 31.12.2021. godine imaju najmanje 50% lica sa prebivalištem u Brčko distriktu Bosne i Hercegovine, od ukupnog broja zaposlenih lica ili da 31.12.2021. godine zapošljava više od 100 zaposlenih radnika, od kojih najmanje 50 zaposlenih imaju prebivalište u Brčko distriktu BiH,
- f) Da u skladu sa članom 3. Zakona o sistemu državne pomoći u tri prethodne fiskalne godine (2019., 2020. i 2021. godina) nisu primili državnu pomoć male vrijednosti (de minimis pomoć) u iznosu većem od 200.000 eura. Ova odredba neće se primjenjivati na preduzeća i preduzetnike iz sektora poljoprivrede shodno članu 4 stav 2 tačka a) Zakona o sistemu

državne pomoći u Bosni i Hercegovini kojim je propisano da se navedeni Zakon ne primjenjuje na državnu pomoć za poljoprivredu i ribarstvo i navedena preduzeća i preduzetnici nisu dužni dostaviti izjavu o primanju državne pomoći.

2. Registrovana poljoprivredna gazdinstva moraju ispuniti slijedeće uslove:

- a) Da je upisan u Registar poljoprivrednih gazdinstava i Registar klijenata na području Brčko distrikta BiH,
- b) Da nosilac poljoprivrednog gazdinstva ima prebivalište u Brčko distriktu Bosne i Hercegovine.

3. Odredba iz tačke 1. alineja f) ovog poglavlja neće se primjenjivati na preduzeća i preduzetnike iz sektora poljoprivrede shodno članu 4 stav 2 tačka a) Zakona o sistemu državne pomoći u Bosni i Hercegovini kojim je propisano da se navedeni Zakon ne primjenjuje na državnu pomoć za poljoprivredu i ribarstvo i navedena preduzeća i preduzetnici nisu dužni dostaviti izjavu o primanju državne pomoći.

V Potrebna dokumentacija

1. Preduzeća ili preduzetnici uz zahtjev prilažu se slijedeća dokumenta:

- a) Potvrda banke o redovnoj otplati kredita sa pregledom obračunatih i naplaćenih kamata (analitička kartica) za period za koji se vrši subvencija dijela kamate,
- b) Ugovor o kreditu,
- c) Izvod iz sudskog registra, ne stariji od 90 dana od dana podnošenja zahtjeva,
- d) Obavještenje o razvrstavanju poslovnog i drugog subjekta prema djelatnosti,
- e) Dokaz o izmirenim obavezama po osnovu poreza prema Brčko distriktu BiH koji izdaje Direkcija za finansije Brčko distrikta BiH, sa stanjem ne starijim od 90 dana od dana podnošenja zahtjeva,
- f) Dokaz o izmirenim obavezama na ime zdravstvenog osiguranja koji izdaje Fond zdravstvenog osiguranja Brčko distrikta BiH, sa stanjem ne starijim od 90 dana od dana podnošenja zahtjeva,
- g) Dokaz o izmirenim obavezama po osnovu Fonda PIO RS izdat od nadležne institucije, sa stanjem ne starijim od 90 dana od dana podnošenja zahtjeva,
- h) Dokaz o izmirenim obavezama po osnovu Fonda PIO/MIO Federacije BiH izdat od nadležne institucije, sa stanjem ne starijim od 90 dana od dana podnošenja zahtjeva,
- i) Obrazac MIP 1023 za mjesec decembar 2021. godine, a za SP specifikaciju o uplati doprinosa za mjesec decembar 2021. godine (obrazac 2002),
- j) Potpisano i pečatom preduzeća/preduzetnika ovjerenu izjavu od strane ovlaštenog lica o broju zaposlenih radnika na dan 31.12.2021. godine,
- k) Potpisano i pečatom preduzeća/preduzetnika ovjerenu izjavu od strane ovlaštenog lica o primanju državne pomoći,
- l) Potvrdu poslovne banke o broju transakcijskog računa otvorenog kod iste – kopija.

Dokumenta od a) do i) dostavljaju se u originalu ili u kopiji ovjerenoj od strane nadležnog organa ovjere.

3. Dokumentacija za registrovana poljoprivredna gazdinstva:

- a) Potvrda banke o redovnoj otplati kredita sa pregledom obračunatih i naplaćenih kamata (analitička kartica) za period za koji se vrši subvencija dijela kamate,
- b) Ugovor o kreditu,
- c) Uvjerenje o mjestu prebivališta na teritoriji Brčko distrikta BiH, ne starije od 6 mjeseci od dana podnošenja zahtjeva,
- d) Dokaz da je lice upisano u Registar poljoprivrednih gazdinstava i Registar klijenata na području Brčko distrikta Bosne i Hercegovine, ne starije od 30 dana od dana podnošenja zahtjeva,
- e) Potvrdu poslovne banke o broju transakcijskog-tekućeg računa otvorenog kod iste – kopija.

Dokumenta od a) do d) dostavljaju se u originalu ili u kopiji ovjerenoj od strane nadležnog organa ovjere.

VI Način podnošenja Zahtjeva

1. Zahtjev za subvencionisanje dijela kamate (profitne marže) podnosi se Razvojno-garantnom fondu Brčko distrikta BiH u pismenoj formi na obrascu Razvojno-garantnog fonda Brčko distrikta BiH
2. Obrazac zahtjeva za subvencionisanje dijela kamata (profitne marže) po Programu Vlade Brčko distrikta BiH za 2021. godinu, obrazac izjave o broju zaposlenih radnika na dan 31.12.2021. godine i obrazac izjave vezane za primanje državne pomoći dostupni su na web stranici "RGFBD" i mogu se lično preuzeti i u prostorijama "RGFBD".
3. Postupak odobravanja i način obrade zahtjeva regulisan je Pravilima i procedurama Razvojno-garantnog fonda Brčko distrikta BiH za subvencionisanje dijela kamata za kredite preduzećima, preduzetnicima i nosiocima poljoprivrednih gazdinstava na području Brčko distrikta BiH za 2021. godinu, broj 129/22 od 07.07.2022. godine.

VII Rok trajanja Javnog poziva

Javni poziv biće otvoren 30 (trideset) dana od dana objavljivanja, odnosno od 13.7.2022. godine do 11.8.2022. godine i biće objavljen na oglasnoj tabli Razvojno-garantnog fonda Brčko distrikta BiH i web stanici: www.rgfbd.com.

Napomena: Sve dodatne informacije mogu se dobiti na telefon 049/232-260.

Predsjednik
Upravnog odbora:

Zumka Grabus, prof.

